



29. august 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Silap pissusaanut naleqqussarnek pillugu Naalakkersuisunut apeqqutit:

1. Suliniutit suut Naalakkersuisut aallartissallugit eqqarsaatigaat uangut inuiaqatigiittut nunarsuarmi silap pissusaanut naleqqussallaqqinnerunissarput anguniarlugu?

2. Naalakkersuisut saqqummiussinerusunnerlutik silap pissusaanut naleqqussarnissamut Ineqarnermut, Pinngortitamut Avatangiisinullu Naalakkersuisup Ittoqqortoormiini atorfimminut atatillugu angalanermi naammasseqqammersumi isumassarsiai pillugit?

(Inatsisartunut ilaasortaq Jens B. Frederiksen, Demokraatit)

Tungavilersuut

Isertorneqassanngilaq silap pissusaata allanngoriartornera maani nunami qanimut malugisimagatsigit. Tamanna tungavigalugu Demokraatini iluarisimaarparput Ineqarnermut, Pinngortitamut Avatangiisinullu Naalakkersuisoq, Ittoqqortoormiini atorfimminut atatillugu angalasimammat tassanilu isumassarsiortorluni, uangut inuiaqatigiittut qanoq silap pissusaata allanngoriartorneranut naleqqussarsinnaanissatsinnut.

Ineqarnermut, Pinngortitamut Avatangiisinullu Naalakkersuisoq tusagassiutinut nalunaarummini ulloq 21. august oqaluttuarpoq, Ittoqqortoormiini piniartunik oqaloqateqarsimalluni taamatullu aamma taakku oqaluttuaat misilittagaallu angerlaassimagini, siunissami silap pissusaata allanngorneranut atatillugu naleqqussarnermut sulinermi atorneqarsinnaaqqullugit.

Demokraatini allatulli soqutigaaqput Naalakkersuisut suliniutinik sunik aallartitsiniarnerisut uangut inuiaqatigiittut silap pissusaata allanngoriartorneranut naleqqussallaqqinnerulernissarput qulakkeerniarlugu.

Ajoraluartumilli Ineqarnermut, Pinngortitamut Avatangiisinullu Naalakkersuisoq oqaatsiminut erseqqissaanngilaq angalagamilu isumassarsiami kusanaartut ilaannut assersuusiorani.

Tamaaliornissaanut matumuuna periarfissipparput.

Apeqqutit akeqqunearput tigusineraniit ullut sulliviit nalignnaasut qulit qaangiutsinnagit.